

Ո Ր Ո Շ ՈՒ Մ

Ճանապարհային ոստիկանության. վարչական տույժ նշանակելու մասին 19.02.2019թ. թիվ 1909130267 որոշումն անփոփոխ, իսկ վարչական բողոքն առանց բավարարման թողնելու մասին

<< 1 >> 03 2019թ. 17-13 18971-19/17-13 1055

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Էդուարդ Քոչարյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Գալշոյան փողոցի 2 շենքի 9 բնակարանի բնակիչ Էդուարդ Քոչարյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին 19.02.2019թ. թիվ 1909130267 որոշմանը՝ նշելով, որ համաձայն չէ որոշմամբ արձանագրված իրավախախտման հետ, քանի որ կանգառ է կատարել մինչև 2 րոպե ժամանակով ուղևոր վերցնելու նպատակով և խոչընդոտ չի հանդիսացել երթևեկության այլ մասնակիցների համար:

Դիմումի քննարկման արդյունքում պարզվել է, որ դիմումատուին վարչական պատասխանատվության ենթարկելու մասին որոշումն օրինական է և հիմնավոր, քանի որ իրավախախտումն ամրագրած տեսանյութի լրացուցիչ ուսումնասիրությունից պարզվել է, որ 10.06.2018թ.-ին ժամը՝ 18:41-ին դիմումատուի տրանսպորտային միջոցը Երևան քաղաքի Աթոյան - Թումանյան փողոցների խաչմերուկի հատվածում տեղակայված է ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշմամբ սահմանված՝ 3.27 <<Կանգառն արգելվում է>> ճանապարհային նշանի ազդման գոտում:

Միաժամանակ դիմումի շարադրանքից հետևում է, որ դիմումատուն ամբողջությամբ չի ուսումնասիրել վարչական տույժ նշանակելու մասին որոշումը, քանի որ Ճանապարհային ոստիկանության վարչական տույժ նշանակելու մասին 19.02.2019թ. թիվ 1909130267 որոշմամբ՝ վերջինս վարչական պատասխանատվության է ենթարկվել ոչ թե վարչական իրավախախտումների վերաբերյալ ՀՀ օրենսգրքի 124-րդ հոդվածի 21-րդ մասով, այլ **124-րդ հոդվածի 1-ին մասով**, իսկ վարչական իրավախախտումների վերաբերյալ ՀՀ օրենսգրքի 124-րդ հոդվածի 39-րդ մասի համաձայն՝ Սույն հոդվածի **21-րդ և 25-րդ մասերով** (միայն կանգառ կատարելու մասով) նախատեսված վարչական իրավախախտումն ունի նվազ նշանակություն այն դեպքում, երբ կանգառը կատարվել է միայն ուղևորների նստելու կամ իջնելու նպատակով, չի գերազանցել մեկ րոպե ժամանակահատվածը, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ չի ստեղծվել:

Ելնելով վերոգրյալից և ղեկավարվելով վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 19.02.2019թ. թիվ 1909130267 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Էդուարդ Քոչարյանին:

Կատարող՝ Կ.Գևորգյան



Ե.Կարապետյան